

Radio Caruso Booy F.M. 25 aña transmitiendo

ORANJESTAD(AAN): Fin di siman tur hende por a nota cu na Gen Maj. De Bruynewijk, Savaneta, e fiesta tabata na Radio Caruso Booy FM, relaciona cu 25 aña di existencia di e emisora.

Radio Caruso Booy a cuminsa su transmisionnan den edificio di Teatro de Veer, conoci e tempo ey como Scaramouche y despues di algun aña a muda pa Savaneta unda e ta situa te awe den General Maj. De Bruynewijk Diabierna ultimo tabata e celebracion grandi, dirigi pa Sra. Sira Booy y e locutor presentador Cecilito Lopes. Hubert Caruso Booy a yega Aruba mey mey di 1963 for di Corsow unda e tabata locutor na Radio Hoyer, y a bay traha cu Radio Antiyana na Lago Heights.

Despues di el a muda cu e emisora pa Bernhardstraat, unda awe ta situa e edificio di sindicato Seppa (sindicato cu tur diadomingo tambe tin programa na Radio Caruso Booy FM).

Di ey nan Hubert "Caruso" Booy a subi bira un di e locutornan mas popular di nos isla y a funda su propio emisora FM cual el a dirigi te dia cu el a fayece.

El a lucha cu e emisora "como emisora chiquito" e tempo ey, y trece su emisora te na e popularidad grandi cu

e tin awe.

Sra. Booy a tuma rienda di e emisora over despues di fayecimento di e pionero di e emisora aki, Hubert "Caruso" Booy, kende a fayece na October 1990.

Awe e emisora cu ta hopi popular riba nos isla, ademas di Cecilito, tin como colaboradornan entre otro Landho Garcia y Howard Hernandez,

Jairo Silva y John Watts, e programa di ranchera ta den man di Erwin Martijn.

Por corda ainda cu e popular Elvira Lopez, "Chaparita" tabata e dama di musica mexicano na e emisora te cu su fayecimento, tambe Charles Groeneveld, "Lord Cobashi" ta masha popular cu su programa di opinion tur fin di siman, entre otro.

E tecnico awe di e emisora ta Wouter Gesterkamp, y a recorda tambe e persona cu a yuda den mantencion di aparatonan pa hopi tempo, Jan v.d. Ham cu tabata e tecnico di e emisora te cu su fayecimento.

E siman aki ademas di ta den ambiente festivo di celebracion di e di 5 lustro, Radio Caruso Booy FM ta briyando

cu su programanan navideño cu nan a cuminsa poco poco cune algun siman pasa y cu a keda subi y aumenta pa culmina cu celebracion di Pasco y despues sigui pa celebracion di Aña Nobo.

Un pabien grandi ta bay na Sra. Sira Booy, su empleado Cecilito Lopez y tur colaboradornan cu e dianan di celebracion aki.


INVITACION

LUGAR: WAYACA 33-B


FECHA: DECEMBER 31, 2003

ORA: 10:00 AM

*** DEPOSITA CUALKIER PAKI DI BATERIA DURACELL PA PARTICIPA**



HONDA



HABRI ANJA NOBO DEN UN AUTO NOBO NOBO!!

Deposita TUR paki di bateria Duracell na Comfort Healthcare, Seroe Blanco 19, of Oduber Agencies N.V., Wayaca 33-B y participa pa gana un Honda Fit! Bin gosa di ambiente di fin di anja cu Grupo Betico, pagara, Zesti y Duyvis. Nos lo saca e ganador di e auto Honda 11:00 am.

BATERIA DURACELL®



TA OFRECE

Sus servicios na henter pueblo di Aruba, pa un bon trabao na un bon prijs, yama awe mes, Tel: 563-1744/963-1766.

Nos ta haci tur sorto di trabao di construccion, manera traha cas di fundeshi e entrega di bo yabi cas, ferf vas of negoshi, haci limpieza di bo cura y mucho mas.

BOBCAT + TRUCK SERVICE

Nos tin servicio di bobcat pa hasi tereno limpi y hiba dump tambe nos tin servicio di pest control. Tel: 993-1114

TA HUUR

Apt. semi-muebla. Paraguana 5-B Tel: 562-2681

TELEFONNAN DI DIARIO

582-6747- FAX 582-8551